



И-Х/2022

Тархаасан: 2022 оны 10 дугаар сарын 15



Эрүүл мэндийн даатгалын сангийн орлого өмнөх оны мөн үеэс 288.6 (39.3%) тэрбум төгрөгөөр нэмэгджээ

Эрүүл мэндийн даатгалын ерөнхий газрын мэдээллээр эрүүл мэндийн даатгалын сангийн орлого 2022 оны эхний 9 сард 1022.7 тэрбум төгрөг болж, өмнөх оны мөн үеэс 288.6 (39.3%) тэрбум төгрөгөөр нэмэгдсэн байна. Эрүүл мэндийн даатгалын сангийн орлого нэмэгдэхэд төр төлбөрийг нь хариуцах эрүүл мэндийн тусламж, үйлчилгээний зардлыг эрүүл мэндийн даатгалын байгууллагаар дамжуулан санхүүжүүлэхэд улсын төсвөөс олгосон хөрөнгө 540.4 тэрбум төгрөг болж, өмнөх оны мөн үеэс 168.1 (45.1%) тэрбум төгрөгөөр өссөн нь голлон нөлөөлжээ.

ХҮСНЭГТ 1. ЭРҮҮЛ МЭНДИЙН ДААТГАЛЫН САНГИЙН ОРЛОГО, ЗАРЛАГА, ТӨРЛӨӨР, ЖИЛ БҮРИЙН ЭХНИЙ 9 САРЫН БАЙДЛААР

Үзүүлэлт	2021 И-Х	2022 И-Х	<u>2022 И-Х</u> <u>2021 И-Х</u>
	сая төгрөг		хувь
Эрүүл мэндийн даатгалын сангийн орлого	734 085.9	1 022 658.5	139.3
Эрүүл мэндийн даатгалын сангийн шимтгэлийн орлого	284 935.0	355 924.8	124.9
Даатгуулагчийн өөрөө хариуцан төлсөн шимтгэл	11 682.4	20 008.0	171.3
Хувиараа хөдөлмөр эрхлэгч иргэн	8 490.9	15 333.2	180.6
Малчин	2 425.7	3 545.2	146.2
Их, дээд сургууль, коллеж, МСҮТ-ийн суралцагч	765.8	1 129.6	147.5
Бусад даатгуулагч	-	-	-
Ажил олгогч, даатгуулагчийн төлсөн	273 252.6	335 916.8	122.9
Төр даатгалыг нь хариуцах иргэдэд улсын төсвөөс төлсөн	62 964.4	122 775.0	195.0
Төр төлбөрийг нь хариуцах эрүүл мэндийн тусламж, үйлчилгээний зардлыг эрүүл мэндийн даатгалын байгууллагаар дамжуулан санхүүжүүлэхэд улсын төсвөөс олгох хөрөнгө	372 348.9	540 429.9	145.1
Бусад орлого	13 837.6	3 528.8	25.5
Эрүүл мэндийн даатгалын сангийн тусламж үйлчилгээний зардал	886 879.5	1 340 777.2	150.2
Эмнэлгийн тусламж, үйлчилгээний зардал	832 258.4	1 249 711.8	150.2
Сэргээн засах тусламж үйлчилгээний зардал	8 252.7	27 411.2	3.3 ¹
Эмийн үнийн хөнгөлөлтийн зардал	46 368.4	63 654.2	137.3

¹ Дахин их

Эх үүсвэр: Эрүүл мэндийн даатгалын ерөнхий газар

Эрүүл мэндийн даатгалын сангийн тусламж, үйлчилгээний зардал 1340.8 тэрбум төгрөг болж, өмнөх оны мөн үеэс 453.9 (51.2%) тэрбум төгрөгөөр нэмэгдсэн нь “Эрүүл мэндийн даатгалын үндэсний зөвлөл”-ийн 2022 оны 01 дүгээр тогтоол шинэчлэгдэн батлагдаж тусламж, үйлчилгээний төрөл болон үнийн тариф нэмэгдсэнтэй холбоотой.

Улсын хэмжээнд 2022 оны 9 дүгээр сард эрүүл мэндийн даатгалд давхардсан тоогоор 3.5 сая хүн даатгуулсан нь өмнөх оны мөн үеэс 226.3 мянга (6.8%)-аар нэмэгджээ.

Энэхүү өсөлтөд шимтгэлийг нь ажил олгогч, даатгуулагч хариуцан төлсөн иргэд 80.9 мянга (8.9%)-аар, шимтгэлийг өөрөө хариуцан төлсөн иргэд өмнөх оноос 112.9 мянга (61.4%)-аар, нэмэгдсэн нь голлон нөлөөлсөн байна.

ХҮСНЭГТ 2. ЭРҮҮЛ МЭНДИЙН ДААТГАЛД ХАМРАГДАГЧИД, төрлөөр, жил бүрийн 9 дүгээр сарын байдлаар

Үзүүлэлт	2021 IX	2022 IX	<u>2022 IX</u> 2021 IX
	хүн		хувь
Эрүүл мэндийн даатгалд даатгуулагчид	3 318 138	3 544 431	106.8
Шимтгэлийг ажил олгогч, даатгуулагч хариуцан төлсөн иргэд	914 203	995 113	108.9
Төсөвт байгууллагын ажилтан	271 187	282 402	104.1
Аж ахуйн нэгж, байгууллагын ажилтан	643 016	712 711	110.8
Шимтгэлийг өөрөө хариуцан төлсөн иргэд	183 994	296 931	161.4
Малчин	49 884	63 743	127.8
Хувиараа хөдөлмөр эрхлэгч иргэн	119 276	214 839	180.1
Их, дээд сургууль, коллеж, МСҮТ-ийн суралцагч	14 685	18 168	123.7
Бусад даатгуулагч	149	181	121.5
Шимтгэлийг улсын төсвөөс хариуцсан иргэд	2 219 941	2 252 387	101.5

Тайлбар: Эрүүл мэндийн даатгалд даатгуулагчид давхардсан тоогоор орсон болно.

Эх үүсвэр: Эрүүл мэндийн даатгалын ерөнхий газар

Ойлголт, тодорхойлолт

Эрүүл мэндийн даатгал: Төр, иргэн, хуулийн этгээдээс хуульд заасан журмын дагуу эрүүл мэндийн даатгалын шимтгэл төлж, эрүүл мэндийн даатгалын санг урьдчилан бүрдүүлэх, эрүүл мэндийн тусламж, үйлчилгээг худалдан авах үйл ажиллагааг хэлнэ.

Даатгуулагч: Эрүүл мэндийн даатгалын тухай хуулийн дагуу эрүүл мэндийн даатгалын санд шимтгэл тогтмол урьдчилан төлж, эрүүл мэндийн улмаас учирч болзошгүй санхүүгийн эрсдэлээ уг даатгалын сангаас хуваалцах эрх бүхий иргэнийг хэлнэ.

Бусад даатгуулагч: Эрүүл мэндийн даатгалын шимтгэлээ өөрөө хариуцан төлдөг, Эрүүл мэндийн даатгалын тухай хуулийн 6.1.2, 6.1.3, 6.1.4, 6.1.9-т зааснаас бусад даатгуулагчид орно.

Шимтгэлийг улсын төсвөөс хариуцах иргэд: 0-18 насны хүүхэд, тэтгэврээс өөр тогтмол мөнгөн орлогогүй иргэн, нийгмийн халамжийн дэмжлэг туслалцаа зайлшгүй шаардлагатай өрхийн гишүүн-иргэн, хүүхдээ асарч буй эх, эцэг, хугацаат цэргийн жинхэнэ албан хаагч, ял эдэлж буй ялтныг хамруулж ойлгоно.

Тэтгэврээс өөр мөнгөн орлогогүй иргэн: Нийгмийн даатгалын сангаас олгох тэтгэвэр тэтгэмжийн тухай хуулийн 2 дугаар зүйлийн 1-т заасан тэтгэвэр авагчид, Нийгмийн халамжийн тухай хуулийн 12 дугаар зүйлийн 1-т заасан иргэдийг хэлнэ.

Нийгмийн халамжийн дэмжлэг туслалцаа зайлшгүй шаардлагатай өрхийн гишүүн-иргэн: Нийгмийн халамжийн тухай хуулийн 3 дугаар зүйлийн 3.1.2 -д заасан ҮСХ, нийгмийн халамжийн асуудал эрхэлсэн төрийн захиргааны төв байгууллага хамтран баталсан аргачлалын дагуу өрхийн мэдээллийн нэгдсэн санд орсон, амьжиргааны түвшин нь тухайн үеийн ядуурлын шугамаас доогуур өрхөөс сонгогдсон өрхийн гишүүнийг хэлнэ.



Эх үүсвэр:

Эрүүл мэндийн даатгалын ерөнхий газрын сарын мэдээ

Мэдээлэл авах холбоос:

<http://www.nso.mn/>

<http://www.1212.mn/>

Дараагийн мэдээ тархаах хуваарь

2023 оны 01 дүгээр сарын 17

Нийгмийн статистикийн
газрын дарга Э.Эрдэнэсан
Утас : (976-51)-266414

Нийгмийн статистикийн газрын
Нийгмийн статистикийн хэлтсийн статистикч
Э.Ариунчимэг
Утас : (976-51)-263966

